

PL  
2705  
I378A17  
1750  
v.6









香樹齋詩集卷十六

嘉興錢陳羣集齋

中秋日雨後協一堂閱文彭樂君方伯李蒼  
厓前輩各遺桂一枝贈謝一首呈同事諸公  
雨後江城月半廊兩行銀燭正高張重攜天上吳  
剛斧斫取人間鸞嶺香要與佳文增氣色肯同衆  
卉鬥芬芳夜來試院茶初熟手摘瓊英帶露嘗  
丁卯秋校文於此樂君方伯手植桂樹十餘  
株於檐下今秋復來見有作花者喜而有作







香樹齋詩集卷十六

嘉興錢陳羣集齋

中秋日雨後協一堂閱文彭樂君方伯李蒼  
厓前輩各遺桂一枝贈謝一首呈同事諸公  
雨後江城月半廊兩行銀燭正高張重攜天上吳  
剛斧斫取人間薦嶺香要與佳文增氣色肯同衆  
卉鬥芬芳夜來試院茶初熟手摘瓊英帶露嘗

丁卯秋校文於此樂君方伯手植桂樹十餘  
株於檐下今秋復來見有作花者喜而有作



種自月中下根從廬阜收樹人還樹木名士起名  
州得地應先長看花正及秋三年重一見高出老  
夫頭

贈蒼厓前輩二首次西山編修韻

棘院秋深曉撤封仙舟憶別語從容知余捲旆歸  
江國遣吏攜尊過玉峰

卯秋予自浙還朝

今日重聯藜閣

火當年同聽竹林鐘早期樊口晴川畔笠屐相逢

挂短筇

先生置宴  
餞於草坪

信天要自保吾真明月應隨萬里身九派江流歌  
惠政八磚花影揖芳塵陰鏗詩法誰當賞薛復交



情定有神同在太平無事日山林鐘鼎屬伊人

廬山桂 有序

王孝廉 吟 爲余丁卯所得士己巳秋沒於

京師又明年余再主豫章試其夫人高氏

遣僕 嚴雲 問余起居且請一言訓其遺孤

有嘉有禎 因仿白太傅廬山桂示之時乾

隆庚午九月十日

手植廬山桂秋香發新條西風忽摧折孤榦隕霜  
朝天道有冥晦人事感飄搖月中傳其子雲裏護  
新茗培扶洵非易如農守良苗毋使稂莠害是蓂



而是蘆老叅種樹書榮悴非所料寄言孟氏母明  
訓及垂髫

予再典豫章試事竣林青圃學使楊卓菴總  
戎彭樂君方伯徐階五觀察李蒼厓叅政施  
棠村蔣安亭兩副使邀同史西山編修阿補  
堂大中丞集百花洲酒半大中丞指壁間石  
刻謂予曰此居士三載前集此敘事詩也今  
日之會不可以無詩盍依前韻爲之遂援筆  
以賦時乾隆庚午九月十四日

古亭深穩坐秋塘石作屏風樹作牆人影隔簾多



入畫歌聲到水自生香。候蟲嗜好老猶癖。春蚓歆  
斜拙未藏翠幙紅筵燈。匝匝風迴舞扇遞微涼。  
繞砌秋英點點斑。天教勝地占蕭閑。  
皇恩只許經旬住。星節何妨一再攀。如掌平湖高  
士宅。當頭明月故人顏。不須更上滕王閣。已見江  
城雨後山。

寄懷尤溪于靜專明府  
南劍雙魚躍玉津。情知范甌已生塵。宦遊喜近毓  
賢里。祿養須珍負米身。不敢廢書方是學。未遑將  
母豈辭貧閒來試檢循良傳。期爾名齊十六人。



與趙虛齋太守話舊

記得

先朝宣諭日我曾攜節入西秦  
偶逢雁墻街頭客許作南宮宴  
上人到處劍牛能化俗十年  
羣鶴自隨身玉堂舊侶如相問  
爲說廬江太守貧

渡潯陽江閱京兆題名知  
擇石被放悵然有作

敢說吹噓便上天九方千里亦  
論緣早知仍在孫山外悔不重  
遊廬阜邊紫蟹黃花尋臭味  
哀蟬落葉動詩篇



文思天子求經術旦晚延英有 詔傳

十月十五日荏平道中馬上見遊絲作

飄揚不定本無根山荏風光帶草溫將斷復連橫  
碧落欲高還下近黃昏乍粘短髻微微白初著征  
裘澹澹痕若可穿針成錦段乞將幾縷付天孫

聖駕幸豫詩

謹序

臣聞王者應期受籙典重時巡君子凝命  
迓庥禮隆肆祀成周相宅卜澗東而瀍西  
嵩岳鎮中標太室與少室車攻之營洛邑  
建武之超大河莫不鋪張鴻藻締構皇衢



然所及有涯豈稱無外選徒建旄僅存吉日數章式服增基曾述東都一賦欽惟

皇上仁包萬彙心普羣黎布序則五行順成宣精而三光炳燭梯航重譯占中國之有

聖人干羽兩階知

帝廷之尚文德犁眉黃髮思

祖澤又仰

文孫靈嶽奧區效奇珍還修五瑞時當秋仲實山  
呼

萬歲之辰候屆西成諏 駕幸中州之吉 行宮



經始歡洽子來 內帑早頒工成響應奉  
慈闈而規子舍義取溫飭壽安仿勤政而拱宸  
居道備宣明含德務法

祖以昭儉不勞民以妨農薄稅緩征如春風之披  
拂省刑肆眚比冬日之暄熙謗格而人悅  
神歆享獻而薄來厚往較射於矍相之圃  
鵠暈重圓閱武於大梁之郊鉦齊七伐笙  
簧酒醴極逮下之多儀筐篚元纁沛自  
天之優賚嘉頤賓而覲羣牧歌湛露復咏蕭斯犒  
將士而及輿臺感動雷亦稽厥角至於玉



梓潔灑奉

聖母之歡心雲牖披章稟

皇衷之睿畫展卷於萬幾之暇恬吟于盥食之  
餘一字褒而幽闡懿揚萬毫力而鶴翔鳳  
翥莫不樹規矩於人倫之至探圖書於河  
洛之源是以溯積石距龍門里二千餘榮  
光上燭自休與至大騁山十有九胖蠻旁  
通臣才謝鄒枚職趨禁近得叨扈從方  
居橐筆之司今年五月奏派隨駕諸臣各臣亦與焉旋奉  
絲綸復有持衡之命偶違豹尾跡依螭



洛州邊來赴鹿鳴心企轅轅坂畔同犬馬  
之戀主縮地無從效葵藿之傾陽披忱可  
獻歌吟 盛事十分未得其一端紀載省  
方逖聽終殊乎親炙倘塵 乙觀龕備戊  
昌期萬國應呼嵩于邁時巡典禮隆太室諸峰齊  
北面升中

籤

臣陳羣

幸甚幸甚頓首頓首謹序

天子正天中

其一

嵩少靈鍾祝嘏純

慈闈色養奉安輪



太平天子親扶侍陋彼東征作賦人

曹大家東征賦述入豫風

土人物

其二

禮稱必告正秋烝雲物周畿瑞氣凝孺慕由來徵

大孝

東陵瞻謁又

西陵

其三

仁周補助有先圖供億何勞民力輸一粟一絲頒

少府今年仍予

賜田租

其四

穿楊

祖烈本天然

入豫大路傍躡象樹飲羽至今

聖祖曾駐武弧矢



神威振八埏一自騶虞和玉節咸欽

聖武有家傳

其五

行殿高門枕澗瀝長塗牟首與雲連驪珠顆顆驚

天筆不數蘭臺賦五篇

其六

傑侏兒離奏四夷行厨讌饗湛恩時勤民

聖主仍宵旰萬國封章五夜披

其七

指示河防

睿畫周龍門曲曲導中州允猶有詔巡南服

明年

南巡上親視河工先見榮光燭上游

其八

東都士女慶無疆共說昇平日月長鯢齒皤皤環



輦路願將眉壽奉

君王

其九

驛路黃梅楚豫分  
驕驕四牡策斜曛  
六時凝睇惟瞻望  
十二閑中覆商雲

其十

廬阜尊南應斗魁

李白詩廬山秀出南斗傍

懷柔列辟拱靈臺

昨從五老峯前過  
云自嵩高獻壽來

其十一

回鑾小憇有卷阿  
千里康衢擊壤歌  
傳語諸侯歸

奉職

六龍朝渡滏陽河

其十二

恭和

御製登華蓋峯歌元韻



未聽海客瀛洲談

李白詩海客談瀛洲

尋奇攬異休與南

山經

嵩山在休與南吾

皇時邁典禮叅雲罕拂拂飄風縕百神呵護民心

怵禮成陟巘留清探茲峯高大冠中岳中次十九

無不函

邢昺云嵩山在中岳次以高大爲名

昭嶢嶢屹勢欲添霞擁

樹絡標晴嵐惟

聖靜壽樂且耽山與仁遇山無慙解以怡然會以

恬元氣蓬勃惟所堪如企如翼如削巉圖經註漏

皆不凡宅中毓秀六合成以土配德非森嚴仰尊

一人弟子男



聖母停輿香淨拈神光似簇浮圖尖瑞靄郁郁萬  
木含散作芝篆襲衣襟叶曰頌曰洞曰訝谿縈繞  
河洛中仍溪實者布濩空者嵌每於勝處藏精藍  
變見融結百草醺四時佳氣景物兼况感德意溥  
旣覃如以袞紫被瞿曇昭回所及伏怪險叶陋彼  
天柱稱皖潛篤生申甫調梅鹽涼秋新寒肅千巘  
霜楓露榭顏欲酣奇松古檜垂毵毵 六龍北指  
回天驂驕黃駝駘駘駘駘駘駘駘駘駘駘駘駘駘駘  
天孫魯是瞻天中式序秩可覘東西朔南同列三

恭和



御製恭奉

皇太后南巡啟蹕近體言志元韻

勾萌應候義從辛剛日

躬親重十倫

前一日  
祀先農壇祈穀

大輅禮成傳風駕

璇輿歡奉舉初巡勤勞直體天行健渙汗先期異  
命申旣許仰瞻咨爾衆還將減從慰吾民勸農自  
與幽風會履畝常思無逸陳貸罪園扉歌再造蠲  
逋蔀屋慶回春閑中旗影風前裊郊外山容雪後  
新扈從末行今有祝歲書大稔記頻頻

恭和



御製良鄉行宮元韻

梅萼未敷香在嶺蘆芽欲出綠搖江

皇情爲踐南州約閑詠初程坐晚牕

親舉寧辭玉趾勞省方問俗豈遊遨南岡多少知

名士孰是文豪孰賦豪

欲驗蒼生歸我闥便從赤縣見輿情曉來祈穀占

雲日上帝居歆鑒

至誠

計程一月到江南紫綻紅苞綠更酣花似錦時香  
似海莫將繁縟掩清探



恭和

御製良鄉行宮侍

皇太后宴兼陳火戲元韻

東風小勒放春遲爲奉

慈輿緩緩移水驛山程從此始薄寒輕暖總相宜

上元月朗當頭夜

萬壽燈燃第一枝方物攜來供色養太平曲奏太  
平時

恭和

御製聞山東得雪元韻



報雪封章自魯齊行吟志喜得新題玉妃試舞飄  
何處柳絮因風忽遠兮二麥及今應有望萬家舍  
此更何徯回思侍從春深日  
十三年春法駕東巡臣陳羣忝列侍從  
豈獨

皇情感愴悽

恭和

御製上元前夕行營觀煙火卽事元韻

坐叅生滅有何常元夕先呈百草芳  
迸落千條蛇起蟄劈開一線電流光  
天廚洗腆供甘旨仙樂宮商奏大章  
夜際月明空萬象田家景物有真香



恭和

御製趙北口行宮作元韻

行殿無雕飾蕭疎意自妍  
土階臨水面黃屋駐  
溪前宿鳥當牕起春星帶樹懸  
回鑾仍到此擬  
進網師船

就隄規隄地夾岸水分明  
恩澤沾來舊漁樵閑  
裏評清吹魚欲聽火樹雀頻驚  
夜色虛明月悠然  
動遠情

恭和

御製鄭州道中元韻



一行官柳一條橋守凍漁家燈火遙明鏡光中聲  
細細近河田裏水初消

柳眠未舒春未媚一鞭齊下南征轡東君未放百  
花開似會吾

皇探梅意

南望青齊縹緲間春雲淦淦水環環宋家設險徒

勞爾

宋時引白溝諸水入淀倚爲巨壘

瀛鄭何曾見一山

月漾寒暉浸舊城信天水鳥自呼名  
天顏願得年年見長慰康衢婦子情

恭和



御製再和沈佺期望瀛州南樓韻

蹕靜經古譙春露垂丹霄緬彼詩人躅俯仰真成  
寥南池與東郡繼此隨煙颺當時擅塲句叉手題  
星橋至今傳沈宋高唱千載遙香徑一再尋愴然  
淨塵囂

皇情信云怡臨風發清謠

恭和

御製燕九日觀燈元韻

白雲觀外凍雲濃煙火長安雪片融

聞京師是日得雪此

日秧歌騰冀野當時笙鶴馭罡風十千界裏銀花

燦五百年來燈盞紅  
令節從今說燕九  
穀登麥熟萬方同

田家春酒十分濃  
恰爲迎鑾氣更融  
報社鼓連

祈社鼓落燈風接  
試燈風仙攜邈邈

張邈邈與處機同時訪道

後皆仙去

來空碧人立鞦韆唱  
比紅里近毛萇詩派在

至今鴻爪許誰同

臣視學畿輔曾於雪夜集諸生講學論詩於此

恭和

御製曉行元韻

六龍神駿白於銀  
雪浥輕塵輦路新一片丹霞

天上曉數行溫詔域中春  
越阡度陌遵周道望



岱逾河舉舜巡縱有單寒縈

睿慮相看俱是太平人

恭和

御製過景州元韻

便訪空王致不孤法雲遍地有金鋪

時上少光  
懋塔下

明直照貪癡衆胞與真同民物吾風轉軍錢插遠

樹日移塔影落平蕪廣川又駐巡方旆詠詩篇

寄此娛

恭和

御製入山東境元韻

路入青齊接廣川當時賜履極令燕曉風漸起高  
低樹野雪全封上下田汗雨袂雲資衍沃雞鳴犬  
吠近人煙東山父老欣瞻仰多說  
天顏勝昔年

恭和

御製過德州元韻

迤邐康莊曉日懸馬頭幾縷是齊煙圖南健翮看  
超軼直北飛檣此接連政裕富强籌府海治規清  
淨想金天行行便出平原道未了青應到面前

恭和



御製平原行元韻

邯鄲圍益急趙勝請南行坐上十九人炙牛門酒  
尊滿盈囊中有錐末不見三耳之辯非人情區區  
毛遂何爲者動以利害感以誠兩言頃刻樹奇烈  
餘子往往因人成胥靡可賈馬骨售相士聲價無  
定評世間有絲綉不得勝也倜儻千人英荆卿劍  
術惜未講六雄先後朝秦嬴仲連天下士結舌耻  
帝稱功成不肯佩相印黃馘槁項事春耕

恭和

御製閱本元韻

晴牕近几午餘開日下封題踏雪來政好八埏其  
乂矣時清庶事亦康哉靜如鏡朗無疲照斷若神  
明仰

睿裁拜篆百官同此日首春行帳記初廻

恭和

御製齊河道中作元韻

吾

皇高居深宮日小人之依靡勿悉况今風駕來青  
齊噢咻如入農人室三年雨見事不同昔閔災祲  
今樂豐願民無忘昔日苦男無荒作女廢功男丁



女口知

聖意縱有金饑吏不諱不見行春第三日

躬宿農壇受天賜

皇心何曾遺一民見齊說齊誠齊人卽今封章報  
亦頻八埏風物皆還淳

恭和

御製恭依

皇祖南巡過濟南韻

立馬齊河望會城馬頭曉氣有雲生髻堆雙翠仍

相倚

謂華鵲  
二山

脉發諸泉自不平犬吠無勞愁土滿

豚蹄便欲祝篝盈明朝東去行瞻岱  
輦路真如長卷橫

恭和

御製過泰山恭依

皇祖詩韻

清蹕行將趨楚尾 翠華憶昔到峯頭雲開六六  
云亭列雪霽暉暉衆皴浮栢影叅天存漢郡槐根  
離地識唐州

宸章繩武光千古封禪曾無一字留  
脚跟自立長伸地眼界難尋最上頭但覺泉聲時



灑灑遙看草色已浮浮晴光匹練飛千里分野中  
峯跨幾州度嶺鑾輿應小憇侍臣勒馬一淹留

恭和

御製望岱廟元韻

由來元始自昭亨出震青陽四序成俯瀆朝宗呼  
作弟秉桓同列尚尊兄威靈職奉驅先路長養風  
催事早耕時邁告虔典禮重玉虬會見下三清

恭和

御製渡汶水元韻

汶流如帶滙爲津橋道中分輦路新風印沙痕

疑作篆日融冰纈漸生皴薄陰天氣宜行客帶雪  
春林不動塵昔侍鑾輿曾度此錫簫杏粥記前  
因

恭和

御製喜晴元韻

喜見朝來雪後晴天公特地爲催耕馬矜緩轡知  
初暖雀試新聲亦向榮官樹遠含餘靄澹征袍漸  
著軟紅輕大江南北提封吏負弩東郊取次迎

恭和

御製望蒙山雪色再成元韻



連朝寒色有雲同  
靉靄山容積素中  
玉輅乘時來北闕  
瑤林呈瑞見東蒙  
井廬誰識顓臾俗  
父老猶有太古風  
更喜土膏滋硯起  
清和回輦課田功

恭和

御製雁元韻

豈爲春遲到亦遲  
稻梁謀穩更何之  
數聲雲外初沉候  
幾點山腰欲度時  
古寺疎林聊一瞥  
戍樓殘月總相宜  
就中不少哀鳴者  
念爾劬勞動

睿思

恭和

御製郟城道中元韻

山如馬耳露雙尖

蒙嶧二山在縣境內

卽事詩成信手拈要

慰黔黎瞻

日彩特教

黃屋上雲幟農桑樂業

今初復工賑收貧昔屢添此是吳頭秉禮國時清  
司牧酌寬嚴

恭和

御製入江南境元韻

河流解凍恰行春春水江南第一巡軌瀆效靈尊  
舜典康衢忭舞識堯民盈寧已見疇咨豫疾苦猶



煩 清問頻纔入徐方復東指迎人花柳正鮮新

恭和

御製恭依

皇祖示江南大小諸吏詩韻

太平百年餘衣被遍澤樞

皇祖明訓垂官箴義可剖捧持亦敬哉吏道貴恒  
久我

皇巡南邦發軔諏春首

孝治遐邇瞻暖輿奉

聖母維時百草荳農將事南畝江北卽江南疆吏

來恐後粵稽古巡典于以覘所守醇風扇嫺睦勵  
俗先孝友豈惟凜率由實欲躋仁壽有土期勉旃  
夙夜遑敢負

恭和

御製宿遷道中作元韻

曉隨雲罕邁時巡雪印輪蹄碾作塵豈少撈蝦當  
蔬菜不妨編葦得比隣峒嵒驛外雞鳴早耶許聲  
中帆影頻一自殘書付歸橐至今祠賦有傳人

用枚

乘事

恭和



御製見新耕者元韻

綠蓑著雨聽無聲  
初試春犁劇有情  
農事動關明主念  
麥畦來勸野人耕  
易田自古稱兼獲  
勤作從來是早成  
行見柳陰鳩拂羽  
量晴課雨有閑評

恭和

御製惠濟祠元韻

蒼水丹書信可憑  
人言川至日如增  
惠通估客神之力  
濟協天倉職所能  
銀漢源長知有自  
金隄工固不加興

皇誠默禱邀多福  
旣禰牲牷又潔蒸

恭和

御製賜沈

德潛

元韻

檢點奚囊付好春  
遊山雙履老逾親  
要辭金馬門  
前侶長作者英  
會上人手寫詩篇  
祕林麓心知格  
調壓齊陳紛紛紅  
紫邀宸睠獨賞寒  
梅與翠筠

恭和

御製清江浦元韻

清敵黃流滙作濱  
湯湯去故復迎新  
豈無上策酬  
當宁自有榮光應



聖人雞犬雲中思桂樹  
苾芬祠畔薦溪蘋  
好紆永永東南顧

親示機宜驗岳詢

恭和

御製題釣魚臺元韻

未許王孫一世雄  
攜竿曾此托時窮  
天寒颯颯堆江雪  
日暮蕭蕭捲荻風  
何處水邊無漂母  
卽今溪外有漁翁  
平生施報論知己  
一飯千金是始終

恭和

御製示江蘇學政莊

有恭元韻

學期致用兼文行要識名高是實賓在我四端皆可擴讀書萬卷自通神寸心有得堪傳世一念無欺是盡倫願以鴻篇光類水豈徒江國見風淳

恭和

御製過淮安城元韻

聖澤長濡澤國民望雲門外騎初巡英雄里近人知勇順化軍移俗尚淳臥閣每思清淨好式廬更憶孝廉真隄平雉堞河流東上策應煩  
睿慮頻

恭和



御製舟行元韻

水光三十六陂涵白馬塘西石鱉南百里舟行忘  
遠涉六時

聖賞有清探佳辰便踐梅花約盛躅留爲漁父談  
金鏡機宜經 指示卽今節相可能諳

恭和

御製維揚雨泛元韻

開明橋外柳如絲 鳳舫迎潮傍曉移邗上風光  
春更好竹西歌吹此偏宜紅樓深處迷煙客青箬  
歸來認釣師問俗量晴還課雨鴨爐香篆捲輕帷

恭和

御製塔灣行宮恭依

皇祖詩韻

灣頭江甸拱清華 行殿恩多待草麻

時江右江左諸紳士

詣行此日寶幢開佛國移時法曲出

宮陳謝天家茱萸不是隋村樹芍藥仍敷韓相花

聖祖

文孫同一揆要將儉德式浮奢

恭和

御製天寧寺小憩元韻



豹尾晴移十里餘蕪城景物望中舒偶停天上渥  
洼種來訪開元舍衛居靜証光明千眼力動孚愛  
戴萬民譽蜀岡報道梅花放茲日佳遊定不虛

恭和

御製渡江駐蹕金山元韻

省方巡典裕民寧 禹迹當年此重經畢罕臨流

好風日江山如畫擁聲靈東瞻海口雙峯碧南指  
姑蘇一髮青落日斷霞迴照處龍吟潭底靜中聽

恭和

御製初登金山得句元韻

屋裏芙蓉一朵青迴環眺聽得全形置身直在蓬  
萊上到此方知造物靈似要川流且少竚故教艮  
止此焉停知仁自與

皇情浹欲辨無言理亦冥

江心螺髻看浮玉水府琳宮著洞天我

后聰明皆見性侍臣塵土亦登仙

江山清空我塵土蘇軾句也

地維樞紐三千軸真影盤陀一萬年遐睎扶桑窮

蒼茫

上聲

此中疑自有成連



香樹齋詩集卷十七

嘉興錢陳羣集齋

恭和

御製遊金山寺用蘇東坡韻兼效其體

江流曲折萬馬來騰蹕超軼東歸海狂瀾將倒誰  
砥柱中流竟有金山在芙蓉巉削矗金陀凌晨出  
沒江無波山靈奉職媚

天子千姿萬態何其多蒼龍夾輔護桂楫一朵紅  
雲映晴日移時日落進燈船蛟室倒影珊瑚赤水

官奔走爲動魄始信陽都夜不黑火城隔江琉璃  
明羣鶴高唳魚龍驚江山清麗如舊識 仁智於  
此一寓物不然縱使飛躡海上三神山坐令仙石  
皆成頑仙石見水仙操流覽未終吟未已 恩波不盡如  
江水

恭和

御製試中泠泉元韻

世間尤物皆成天泉之尤者強半孕結嶽與川地  
靈噴乳海眼出得名第一裴家山唐家宰相更好  
事輒以舌本留真傳由來高僧得清淨旣占名山



復占泉點茶有經不須讀獸炭自取松塏燃

玉皇一日下天闕飄飄從官皆列仙雲液三進作  
歌喜起笑彼鴻漸翁陋彼玉川子斯泉自邀

宸賞後從此聲價誰並比山僧何物久占此

帝曰吾姑試之不寧惟是明當渡江攜取竹爐更  
試龍山第二水

恭和

御製登金山塔頂元韻

中流湧翠一峯尖勝勢東南萬象兼豈有驪珠浮  
水靜竟如畫鷁泊風恬鈴流高韻三天下磬發清

煙兩岸添獨踞長江疑卓筆峻嶒留待

睿思拈

恭和

御製江月元韻

月到江逾白况乃月出初千潭同一印

宸心如是乎駕言來江上風物望南徐凭欄一相

遲金波與天浮

叶

岷江萬里下滔滔凌碧虛濤焉

冰輪湧清光幻須臾此時鼉更靜微波吹天吳月

姊旣戲綵江妃亦弄珠兩美門清景一氣通真如

回憶沼沚水輝映可有諸廣寒發高唱仙凡迥異



迹

恭和

御製自金山放舟至焦山用東坡韻

江流赴海何耽耽由金而焦渡已南却從瓜步望  
京口行十里者餘二三朝來有  
旨速鼓楫水聲唼似食葉蠶吾

皇攬勝便濟勝侍臣引領徒懷慚崖嶺遙睇欲落  
石灘畔俛瞰無底潭蜿蜒夾輔馮夷導風日正正  
饒清酣考古已辨瘞鶴迹探幽更接山僧談鄒枚  
執筆未應召一葦危坐同僧龕眼纈方驚萬礎奇

舌本猶覺中泠甘江山於人有定分辭也非廉取  
非貪若以辭取課殿最廉善上注臣所堪北歸倘  
隨屬車後獨往一訪仙人庵

恭和

御製遊焦山作歌元韻

昨日飽看屋裏山今日來看山裏屋山脚怪石皆  
百丈或露其顛果其腹海門雙峯如弟兄江濤東  
赴飛天聲青雀凌晨渡江水從官指岸猶在彼冲  
天一鶴戛然起鷁首廻翔其戾止臣時撇波乘舴  
艋自笑斃鼂乃如是勝地攜來復令辰扈從寧辭



趨走勤欸段豈堪附千里亟呼榜人徒紘紘

臣與汪由

敦各乘漁舟從後榜人以舟小難前乃先進京口以埃

平時述古訛魚亥摩

抄偏旁跟遺文焦先仙蹟不得到遙望崖谷開曾  
雲雲開霧散江氣氤氲峴首北固劃然界分脩竹  
自受風梳櫛危磯一任江吐吞何必泰山日觀封  
云云金焦從此永永垂聲聞

恭和

御製焦山古鼎歌和沈

德潛韻

歛雲吐景金氣屯如劍出屬刀出昆此鼎鑄成自  
何氏川珍嶽貢於乾坤夏姒九鼎已沉泗巋然靈

光斯獨存彌勒龕畔僧塢外頂鳳靜卧蚩尤蹲夜  
深月黑鬼車叫神光自奪百怪魂苔蘚剝落土花  
繡古篆猶露蝌蚪痕苦尋點畫識五字如金人銘  
古慎言東陽侍郎老而癖心注密義復手捫上溯  
混茫測年代如飲河水窮崑崙東坡從政見石鼓  
退之蹉跎守四門謫仙少陵不可作淋漓

天筆書渾渾珠璣燦爛照江水碑版萬禩留祇園  
古來嚴器有顯晦如以晝夜分昭昏楚芊藍縷未  
許問奸相攫取以盜論

小臣

才薄氣力弱雲夢到

口安能吞

鴻篇一讀一屈伏奚啻三舍却且奔



德潛  
慙白臣慚元後先賡拜颺

天闥

恭和

御製甘露寺和蘇東坡韻

江永茲竟渡春寒況已闌言尋北固寺於以遂初  
歡東坡攜二客我

皇扈千官鏗然鬥春麗倚馬或據鞍上遡卓錫年  
三國敞雕欄當時炎漢熄鹿走天地寬吳主撫江  
介英風奮瀾漫孫劉初結好義烈斬虹竿翩翩羽  
扇客坐石如眠獬決策狠石上借箸事攻鑽曹兵

一百萬踉蹌走老瞞時平甘露下千仞得大觀蕭  
公老卒耳捨身坐蒲團六州鑄一錯獨揚苦海瀾  
雙銘留鍊鑊斑駁若商盤獅象探微筆猙獰神尚  
完贊皇規粉本霞衣飄輕統忠敬爲造福其意非  
欺謾六箴上丹宸直前毋蹢躅卽此足自懺允諧  
鳳與鸞維州志拓地恩怨已平刊獨存手植檜叅  
天何蒼寒枝節多磔砢正氣青雲干排列寺門古  
扈 蹕如龍蟠豁襟一登陟高閣比瓦棺蒜山波  
出沒懷古發嘉歎髯蘇遺傑構山谷堪剗剗詎如  
天縱能硬句橫空安遙望黃鶴山仙翼隨風搏朗



吟北軒上韻協無險難驪珠灑

宸翰一洗詩人酸譜入八琅璈千載拱叩彈

恭和

御製潤州道中作元韻

江水穿渠綠玉涵恰從城北到城南耆民坊陌瞻  
仙仗梅萼香中控曉驂

何處蕭公北顧樓郭門斜抱翠巒浮貔貅半壁臨  
天塹箇是南徐第一州

縷縷吹煙萬井多青旂披拂好春和林間布穀催  
耕作清明冷風問若何

青雀自飛緣岸舫赤欄多映隔花橋居民入市魚  
鰕賤半趁朝潮半晚潮

鶴林招隱南朝寺名理猶關物外心海嶽菴深餘  
想像研山圖好一探尋

形勝由來鐵甕雄更看櫛比與墉崇衢謳漫說江  
南樂土鼓歛幽繫

聖衷

恭和

御製過常州府城元韻

綠楊高岸乍停驢入市觀民 玉策紆花草三春



如下杜雲山一帶近中吳豐登已兆倉箱富雅化  
還開婦子愚修職勤咨二千石清謠可有袴襦無

恭和

御製寄暢園元韻

宛轉橋通碧玉灣

園有宛轉橋

金輿遙度愛蕭閒鳥

聲求侶穿林轉泉眼分波落澗潺吳下園多千畝

竹洛陽圖入九龍山

秦氏子姓迎人得六百餘歲

駕者耆壽九聖製及之

壽民能說當年盛

奎畫猶懸翠靄間

恭和

御製惠山寺元韻

第二泉邊好髻螺心花意蘂遠遮羅琉璃地淨芳  
埃少睨睨禽高翠樾多舊會華嚴何荏苒老僧白  
足尚婆娑東風滿嶺傳 瑤詠歡喜人天受福那

恭和

御製惠山聽松菴用竹鑪煎茶因和明人題者韻  
卽書王紱畫卷中

西神山麓一泓泉陽羨

親嘗與汲煎墨客勝情縑素裏春風活火佛香前  
菴中松籟兼疎密溪上楊枝正起眠黃篴紅泥僧  
製在都籃茶具始應全



渡江頻試水經泉韻事拈來掃葉煎 妙相初臨  
蒼筤底纖塵不到蛤蜊前蛤蜊前見黃庭堅詩茶浮細乳薑  
休點松轉虛濤鶴自眠吟就卽書真逸興名山從  
此覺天全

恭和

御製汲惠泉烹竹鑪歌元韻

九龍名山昔所聞兩峯峩嶷龍角分有菴枕松著  
老衲幅巾高士曾招羣編筏爲鑪供茶具後來好  
事隨芳塵下方上圓水火濟辯輦堅緻密有文太  
常典籍各更製馱載都下傳孤芬記載顛末彙長

卷題詩往往皆宿陳彞尊朱氏更嗜古方之盃鬲  
及膚敦叶冽泉汲取受升許松枝小折炊作薪不  
知人世有軒冕肯令俗物來糾紛篁墩西涯有同  
癖集中散見皆稱云時平 巡幸博咨訪闡幽攬  
勝握大權叶焦山之鼎甘露石倚撫長愛古意存  
卽今活水茶正熟貢芽一試頭綱新歌成竹韻憂  
寒玉山僧奉之奕世珍復展橫卷重拂拭孟端許  
作烹茶人

恭和

御製雨中遊錫山元韻



東峯玉立展雲衣  
翠蓋高乘濕靄飛  
林擁鶉鴝  
煙幕歷草黏蝴蝶  
雨浚激清聲箇箇  
筠敲徑綠意  
方方麥潤畿  
却凭欄干看返照  
漁榔多向洞庭歸

恭和

御製駐蹕姑蘇元韻

碧城樓子見姑蘇  
鳳綳徐臨洽

聖娛山水清佳年穀順  
街衢笑樂吏民趨  
玉梅金柳輕寒暖  
密雨疎煙乍有無  
見說比來風俗美  
春隨布濩倍欣愉

恭和

御製奉

皇太后遊虎邱卽景元韻

巘岼別作峯雲氣淡逾濃霽景初投寺芳原正勸  
農樓臺皆入畫竹樹各爲容要以娛

慈眷春長閏歲逢

塘平鴨頭水塔湧佛螺山花店羅千品書坊近一  
闌繡經臺寂歷養鶴澗潺湲行殿臨高處留看  
未擬還

石布千人席巒堆九仞青梅應移鄧尉泉自壓支  
硯大士潮音靜

寺有應夢  
觀音石像

高壇栢子馨祈年還祝



嘏錫爾萬方寧

恭和

御製虎邱寺和東坡韻

茲邱雖不高亦自有峯嶺一凸湧平疇臨溪近間  
井野靄霏濛濛春陽照耿耿雁堵矗雲霄劍池絕  
蛙黽虎氣疑隱林金精自藏礦生公講處石蘚質  
化獍猛東風吹綵旂上界矚遙騁商周凡幾年恭  
子語何哽闔廬城郭非霸業只俄頃寧知陸羽泉  
汲飲尚甘冷緣崖一訪古吟興相與永壇高聞妙  
香天暖對韶景具區渺無極平碧浸雲影月挂梅

花樓留觀奚用請

恭和

御製遊支硎元韻

道林棲遁處松翠有餘色渺矣爲深尋卽之契真  
得諸峯半支隴一峯乃其特中虛日晶晶外秀雲  
冪冪始知與曠兼欲攬不可極山靈迓蒼珮石室  
寄遊息泉聲匪桀筑盈耳清歷歷落英喻無言苔  
蘚見春迹

恭和

御製寒山千尺雪元韻



寒泉出自支硎山山以泉名寒在泉泉來深林落  
平石滙爲一浸收諸源紆迴阻勢不得瀉豁然脫  
轡如忘詮挂流青壁春不已濺作白雪無因緣雪  
跳圓珠漱瑩玉隄下曲澗爲寒淵天台匡廬布水  
亞上有題句鑄蒼巒宦光住此久疏剔雪邊尚種  
養鶴田梅花香中

睿篇灑妙句如雪如花然飛來翠羽淖晴雪清響  
相答松雲間

恭和

御製華山元韻

蓮華在山山在下不識當年種蓮者平田石路松  
林通澗畔疑嘶支遁馬花方對佛叩云何鳥亦窺  
檐叅般若登高自契

至人心遍界清韶眺吳野蓮華亭亭開十丈和以  
妙香雲際灑露搖珠滴萬顆明泉繞栳張幾條瀉  
天空應有鶴歸乎心定豈隨旛動也爲憶田盤  
靜寄莊春稼秋柿殊清雅華山脚在梅花國此景  
須憑剡藤寫

恭和

御製聽雪閣元韻



四時無斷續雪落翠巘底皚皚冷心脾簌簌清盈  
耳靜宇對雪開顏之境逾美松間積幾何檐際吹  
不止春風灑繇英苔石一何綺真賞詎在他憑虛  
自觀水更寫玉梅枝閣中香未已

恭和

御製駐蹕靈巘元韻

大好春光二月中高巘花竹擁離宮繡塍雨足  
民心樂蘚磴雲開馬步通湖浸濕銀天影碧梅蒸  
寒玉夕陽紅禹書欲訪靈威守俯瞰包山更在東

恭和

御製鄧尉香雪海歌并命沈

德潛

和韻元韻

鳥聲暇豫方吾吾中春猶若春之初鄧尉梅花百  
億樹號花爲海信不誣香海旃檀日朗朗雪海瓊  
玖煙舒舒香耶雪耶同一海花非花兮誰與模朝  
陽夕陽山展拓上崦下崦林盤紆藏村出屋四無  
際沙白蘚蒼中有途 玉鑾遙臨暢晴宇蓬萊島  
曙羣仙趨亦有僧衣水田似迎跼恰過齋鐘餘是  
時繇花浩初放坐覽衆壑佳可娛熨斗柄南連太  
湖七十二峯峯勢殊湖光峯翠遠相撲香雪滉漾  
隨供需 潛也看花谿徑熟與梅同里情非疎曾遊



黃山踏雲海忍使香雪長流孤

帝鴻墨海蘸毫素霏香灑雪傳三吳霏雪灑雪傳  
三吳如搜巖穴光潛夫

恭和

御製宴準噶爾夷使元韻

禹績周巡隸職方德威遠馭迪

前光番夷似鑒防風後舞蹈仍安椎髻常指點江  
山從典屬鋪陳禮樂正 當陽宴成歸路迷花雨  
香界空中見法王

恭和

御製再遊支硎元韻

雲物憑看輾萬靈重來佳處一敲扃雨初霽後山  
難畫花正繇時輦又停每趁芳辰縈舊緒熟叅  
至理發新硎村客已覺羸前度紫草連疇豆麥青  
吳田於未插秧之前種  
荷花紫草取以爲肥壅

恭和

御製舟發姑蘇元韻

曉色展平江牙檣正曳簾纖纖林挂月湛湛水明  
牕官路連鄉路吳邦又越邦掠舷多鷺羽雪點每  
雙雙



恭和

御製題楊補之梅花三疊圖元韻

清吟對梅憶瓊軒一疊圖中洩春早遠載瓷缸吳  
地來密烘窖火唐花巧剪裁直比嶺雲封攜挈頻  
將簾月照計日江南見萬株數株清供先春好逃  
禪有梅梅更疎玉叉長挂瓊軒曉冰姿映壁香乍  
濃鐵幹橫空氣何老洋洋夜雪凍還開獵獵北風  
吹不倒

却從江北憶山堂二疊吟梅開不早淮南花師用  
心力勒住天工奪人巧自是東皇候翠華雪籠

緩使斜陽照林逋句裏半樹纔蘇軾篇中一枝好  
第五泉邊玉蕾新揚州城北春陰曉此情說與逃  
禪知鹿角分梢不嫌老遲開何似早開多總遣百  
花意傾倒

蜀岡之後憶湖山三疊東風恰遲早梅花十萬鄧  
尉開真意何曾入時巧印心不叩補之禪瑤管生  
春爲圖照生意在手運化工墨光便似春光好一  
枝寒玉弁江南百鳥窺檐覺春曉何須健步遠移  
來索笑應嘲杜陵老衆香國裏妙香傳爇齋仲圭  
亦綳倒



恭和

御製紫陽書院題句元韻

王制書賢能成周籲宅俊顧惟先教之琢器貴其  
慎政事培卓魯將略豫廉藺講習有同歸領挈衣  
乃振儒臣作山長乞額祇明訓詔以鹿洞規  
型芳在祛吝力學端初基飭躬敦素分譬彼稂莠  
鋤毋使螟螣釁遵道策半塗掘井戒九仞魚雅來  
鱸堂廸德務精進上應睢麟風休茲光泰運

恭和

御製入浙江境元韻

秀州分域亦東吳  
百里春塘引

御鱸叱犢祝雞村  
總似條桑播穀俗  
無殊求寧

先烈巡方及  
賜復新年拜  
澤俱處處人  
煙出桃李知時好  
雨夜來敷

恭和

御製舟過嘉興元韻

枌鄉最說產嘉禾  
樂府猶翻阿子歌  
幼拜

聖巡江國蒞今隨

天蹕郭門過蠶孃  
採葉村頭雨  
漁父撈鰕港口波  
自荷



睿篇吟土俗里閭弦誦更應多

恭和

御製三月朔日車駕至杭州駐蹕之作元韻

春仲纔過又一莫錢塘喜荷 翠華停天臨蓬島

三山近民祝

璇宮萬歲寧甘雨和風舒晷漏朱欄玉砌敞軒庭

韶華普洽

慈歡豫

至德光承

祖烈馨煥以文章黌序式敷之禮教海隅型白蘇

隄曉環湖遠南北峯高插漢青桃洞千年花正綺  
芝房五色草皆靈江潮候應哉生月 綵仗臨觀  
指赤亭

恭和

御製吳山大觀歌元韻

天目嵯峨支隴多萃靈曾傳蘇軾歌

龍飛鳳舞萃于臨安見表

忠觀記

鳳皇飛入郡城裏吳山之麓開雲窩乘春

玉輦造巔頂大觀臺前形勝羅會稽作鎮見東岸  
括蒼台宕遙嵯峨西湖右盼大圓鏡高峯環擁雙  
青螺笙歌燈火閱南宋銷金鍋子誰譏訶廣陵觀



濤寓內冠枚乘七發雄難加川春潮三折沓前後  
拜舞龍伯翔江娥是日東風煦晴霽海天萬里恬  
蛟鼉湖隄花竹艷相映江塘草樹清相摩

宸遊川嶽富所覽一一考證圖經訛字鐫金薤青  
瑤磨大觀今賦吳山歌

恭和

御製巡幸杭州恭依

聖祖詩韻

文謨巡甸兆人安丕纘重爲兩越觀湖嶼花枝迎  
畫舫江干柳色候鳴鑾雲霞盡入篇章麗魚鳥

深知宇宙寬臺榭依山卽瑤島長承

王母萬年歡

恭和

御製出錢塘門由段橋至聖因卽境近體二律元

韻

城西不遠是湖塘湖上春多信倍常仗外橫峯兼  
側嶺橋邊杏艷與桃光煙籠好鳥千聲脆風綰遊  
絲百尺強江雨忽飛三兩點天然圖畫接蒼茫

如鏡波光照好山幾層樓閣在山間珠簾向曉收  
微暖鳳舸乘春覓暫閒濕翠自濃晴翠澹外湖



纔遍裏湖還天教好景歸

鴻藻白傳蘇髯况未刪

恭和

御製聖因行宮卽景元韻

聖蹟傳因啟鳳阿春風重見

六龍過雨滋蕙徑含芳早風轉筠廊憂玉多紅藥  
漫催婪尾宴綠楊齊蘸鴨頭波高枝自愛流鶯好  
不在調笙與按歌

遵海而南道不紆省耕恰許駐西湖歲方降福穰  
穰也民莫能名蕩蕩乎山水自居天下最文章深

與性靈俱正逢

慈聖無疆壽愛日春長愜勝娛

恭和

御製和蘇東坡遊西湖三首韻

往時初服尋偏幽一日不見如三秋自從束髮走  
燕市故園夢斷芙蓉洲白頭重來忝扈從湖光玉  
面春浮浮杭人戴恩如父母竟欲遮道十日留  
不見迎鑾唱遏雲月華生花影暗千枝燈上猶  
未休

皇仁澤物起滯幽一補一助兼春秋恰逢櫻筍好



風日採芳擷秀凌滄洲松菴竹塢翠旂轉六條橋  
外輕煙浮樂山樂水有本性

御墨灑處千年留不見高僧瞻佛面或衣紅或衣  
紫香花隊裏來贊休

巡春深入澗谷幽春光覺好寧論秋靄靄雲衣羃  
朶殿重重山翠圍芳洲蝦鬚水簾垂花下鹿頭湖  
船貼岸浮

君王攬勝看未足斜暉遠樹相勾留不見湖田麥  
初秀五日風十日雨太平景物呈嘉休

憇聖隱上人禪房云是舍弟界讀書處因題

一首

鷺嶺踏奇石山僧石上逢  
通廚流暗水看竹落晴  
峯灩澦灘前夢閣黎飯後鐘  
明朝一西指但見白雲封

奉

勅恭和表忠觀詩

巡典旌功德

恩光邁等倫瞻言尋往躅  
寵賁及先人強弩風

雲護荒祠雨露新湖山英魄在同日荷鴻鈞

扈從西湖寓先武肅祠內  
苧村張兄自嘉



興來止宿夜話卽次見遺原韻

巡典旌舊德芳醪及先祠孫支忝扈從祖澤  
信在茲水邊鄉語遞竹外幽人遲遂命啟左闥相  
揖迎前墀公餘得情話邁之能勿怡近牀燭跋見  
當簷雨脚垂感過年已邁觀文心未衰飛沉有定  
適沾滯徒欣悲揮手指碧巘抱景繩朱絲行隨  
屬車去留以慰相思

附  
原韻

張庚

扈從至鄉國侍祭來祖祠久違重余念棹訪遂  
留茲齋房肅以寂爐香幽且遲入夜風雨過檐

溜鳴崇墀春酒照芳燈相對情彌怡證學嗟古  
密論文希後垂感子多盛意其如年力衰談深  
興自遐歡極中復悲良會本不易况乃髣髴皆絲  
髣絲既莫改保德隆所思

恭和

御製湖心亭元韻

天影相涵駐碧空霓旌搖曳古槎通水中  
坻與水中沚蓮葉西來蓮葉東玉宇瓊樓元在月方壺  
員嶠漫隨風凭欄得句宸襟霽洵有鳶魚趣不同



恭和

御製天竺寺元韻

九里松門擁碧林林中蒼蘊春尋山圍三寺窈  
而曲澗引百泉清且深遊屐樂天凡幾輩禪心圓  
澤又于今得從香輦聆瑤詠如向慈航振海  
音

恭和

御製飛來峰歌元韻

丹崖赤壁皆百丈猙獰突兀不可象內潤沫噴滴  
青翠中空飈發自儼朗上方僧磬深鎖雲一峰飛

來阻重障

叶

蔽虧日月自蹇嶢  
砉然巨靈遺一掌

古洞云穿百里深  
宴坐可容十人廣  
女媧煉石未

曾選得逃歷劫似非誑

叶

據險欲下猿爭飲  
攀危

忽轉鶴初放或垂纓  
絡或結趺苔紋剝落  
人天像

酌泉據石妙香聞襟  
袖霏霏自流爽勝地  
何妨一

再來清眄但覺符夙仰

宸遊裊裊上重霄  
朱旂拂拂依雲壤  
高松忽傳魚

鼓音幽澗遠逋琮琤  
響翻笑山僧長住此  
行纏尚

作尋山想

恭和



御製韜光元韻

一庵結幽處奧歷不可極况有竹萬竿娟靜伺其  
隙仄徑轉復隘時見紺乳滴鳴泉遠壑聞古磴山  
僧迹衆峰忽對面往往似相識抱寺鬱深林束澗  
竦奇石緩步上層閣清闕生虛白遐情時一遭徒  
倚命布席江廻海門寬鵲起煙際直慮淡寄高致  
形外寫心得萬山拜下堂黶黶雲竇塞香界遺聲  
聞寂寞尋詩客

恭和

御製登六和塔作歌元韻

會稽秩祀已訖日 巡典勤敷不遑逸鐵幢浦西  
雁堵高星罕臨江一停 蹕智曇願力南宋聞寫  
經嵌石探勝因清淨之身廣長舌溪山猶護兜羅  
雲江潮屹鎮雄局鎖海宴方今濤貼妥龍淵下瞰  
羣龍趨拜舞紛來月輪左寺後卽月輪峯越山隔岸欄干  
前歌成一指留詩禪今宵天人共歡喜塔燈放燄  
蓮花然

恭和

御製雲棲元韻

徑轉蒼筠密林穿玉澗澄陰森四峰抱窈曲一門



千古鉢惟留偈精廬自課僧風猶追白社派亦嗣  
南能選勝紆

天蹕憑高指慧燈六時長轉佛心淨卽超乘

恭和

御製錢塘觀潮歌元韻

廣陵曲江遠最奇天風颯颯挾之聲潮未如秋  
潮壯臨觀曠發無窮思斜陽反射羣峰赭萬派  
奔騰向東瀉匹如桑經紀岷江凌宇如象還如馬  
江妃一笑跳洪波濤頭突起意未和層巒砥柱東  
險隘拘怒儻忽來無何閱江樓高勢無敵指麾能

動江神魄越山遙送吳山迎重水揚波漫衝激江  
形曲曲流折三州人言泅工汨淹帆檣盡下雲路  
濶六和塔影瞻鸞頭蒼龍映氣濤初作空中旌旆  
擁江若還情自與元氣會目窮萬里事探索一線  
引白須臾來皚皚銀屋飛千堆兩山眼亂鼉疊雪  
七里耳震嚴灘雷江塘觸浪響訇磕建瓴直下勢  
汪濊驚看但詫瀑奔濺緩受欲比甘霖沛前潮帖  
妥後復掀如受不納江何廉鼉鱗萬古容震蕩莫  
辨鱗甲之而髯觀瀾有術豈無意啜茗一聽濤聲  
沸卽今清宴河海平射潮空憶當年事穆然至治



欽無爲

天筆飛動風雲隨詩成指點會稽近南紀再見人  
天師

恭和

御製淨慈寺元韻

湖南近接堤絲柳寺門低未聽碧雲語先看金字  
題中峰依慧日芳樹卽菩提井甃傳靈迹堂陰闢  
舊蹊晚鐘僧自定斷塔代堪稽攬勝留香輦林  
暉在殿西

恭和

御製題敷文書院元韻

盛世羣遊道德園萬松森鬱嶺頭門文峰直上真

千尺聖裔分來是一源

書院有孔氏分派居此

韶序怡承

天蹕駐嘉名長奉

御題存好敷浙水東西化實行還同麗澤敦

宋浙東麗

澤書院呂成公講學處

恭和

御製西湖晴泛元韻

廉纖雨歇趁嘉辰蕩漾風光分外新

帝與湖山長作主春留花鳥若相賓平橋雁齒分



紅影小艇瓜皮動碧鱗  
比似琉璃開一幃  
儘邀吟興遶煙濤

恭和

御製題小有天園元韻

始信壺中別有天  
芳園一曲近湖邊  
玉梅倚石如高士  
斑鹿穿林見古仙  
深護翠屏宜貯月  
細鋪瑤草亦耕煙  
南山最好供留賞  
睿想清瑩不落詮

恭和

御製雲林寺二十韻元韻

古寺隱重林

宸遊更數今春隨行處好山識此中深曲折方周  
歷幽奇豈外尋岩扃憑縹馬風磴得披襟海日高  
先照江湖遠乍臨韜光通絕頂靈鷲起孤岑飛翠  
迎人面流泉悅

聖心環姿頻對石清籟肅聞琴佛相巖邊鑿猿聲  
嶺外吟亭虛風習習洞古晝陰陰濕氣衣蒸雨纖  
芒草露鍼緣崖踏雲窟遶磴越蹄泮仰覺諸天寂  
迴看萬木森遊踪紛鶴鹿仙餌掇苓參苔色還侵  
屨松枝欲罥簪騷人傳唱詠象教奠氛祲結構仍



魏煥規模自鬱嶽  
璇題燦金碧  
貝葉闕瑤琳  
邈矣超塵界  
泠然出梵音  
法堂陳寶座  
敬惕不忘箴

恭和

御製渡錢塘江元韻

百里江塘接海塘  
茅峰東指荷  
巡方天連漁浦  
浮青雀  
帆帶春嵐映  
紫陽  
奎壁人文懷  
趙宋  
越吳形勝  
劃錢唐  
神功此日齊  
神禹  
壁馬隆儀祀有常

恭和

御製禹廟覽古元韻

作鎮稽山峻編書夏德崇龍蛇疑古壁栢栢問元  
宮獨上吟韓子韓愈峒巉巉碑詩云道人獨上偶見之南登紀史公錫  
圭瞻莫並乘載溯難窮殿擁江雲碧樓懸海月空  
我

皇勤府事萬世有同功

恭和

御製蘭亭卽事元韻

千岩萬壑入 巡行三月東風蕙草生曲水已過  
亭上節羣賢猶記晉時名擘窠

聖蹟貞珉在迎 輦春光茂樹榮定武流傳肥瘦



本書家真贋總難評

恭和

御製自紹興一日渡江至聖因寺行宮元韻

風滿牙檣水滿塘江神一霎送龍航乍從南岸

辭羅刹已向西泠祝梵王蘭上里猶連黛色蘇公

堤更展湖光紫雲行殿看西照別有詩情到栢

堂

恭和

御製登北高峰極頂元韻

峰高北更佳意慙不能捨已披風際襟遂蹋雲中

馬諸峰青差排一一出其下海氣蜃樓噓江流之  
字瀉真令法界開不使芳塵惹始知 幾務餘益  
信櫻寧寡

恭和

御製觀採茶作歌元韻

茶採嫩不採老火前還比雨前好風篁嶺邊龍井  
種茶樹千畦泉幾道提筐上山復下山摘芽用指  
弗用爪香清色碧避日曬土竈松薪就檐炒杭人  
製茶如惜花花愛鮮新豈嫌少登山停 輦遍觀  
覽奚藉茶經桑苧討不貴龍團與月團製茶尚費



工夫巧山氓生業良在茲時候關心方法曉

恭和

御製湖月元韻

春湖靜不瀉夜月來相渟溶溶皓千里漾漾寒一  
泓環光宿衆皴倒影沉圓青三更鏡照花數點盆  
涵星魚跳撥刺響風蹙淪漪生却顧玉妃喚海山  
清曉橫

溫庭筠詩玉妃  
喚月歸海官

留別謝山先生

臨別忽聞謝山先生出

城東

時謝山先生出城東

謝山先生出城東

謝山先生出城東

謝山先生出城東



香樹齋詩集卷十八

嘉興錢陳羣集齋

至主南巡頌

有序

臣陳羣言臣惟基丕福崇者守斯兼創運

泰德新者人乃應天巍巍皇皇於

今懿鑠矣它未殫舉綜述

巡典恢昌乎堂構弓冶自生民來罕儷厥盛竹素

備稽非臣臆說也虞書首紀堯巡未言舜

巡肇聞然罔貽家緒帝禹百歲涉江而南

爰有會稽萬世賴矣然傳子及孫罔修祖  
則商宅數遷周京並建疇履吳越以祀山  
矧逮春秋而遞降混一區夏誕惟數姓漢  
唐之盛都關中宋之盛都汴元明都燕賢  
君之作亦越六七然時邁每闕寧居而未  
遑其克渡錢塘泣南鎮奠南北縱橫十萬  
里天下若几席由妣氏後無聞焉斯實帝  
者之滲也矧其光揚前列熙怡慈眷以戶  
闥一家而登躋極軌者哉皇矣

大清輦基



列祖彌綸制作曷奕乎千億

聖祖仁皇帝恩覃春煦惟天惟堯臨照布濩雲翔  
日熏六十有一年肇舉巡六幸江南而  
五巡幸三子會稽蓋越四千祀帝禹之  
迹復光格之勳再用能軼軒包項甄殷陶  
周漢唐而下方斯福矣

世宗憲皇帝濡仁育義鑑朗海淳卿雲甘露珠璧  
景曜之符臻榮河嘉醴牙交連穎之瑞昭  
九苞集羽於崇阿三秀敷華於靈壤顧猶  
謙抑升中厥將有候

聖傳統惟

聖人伏惟

皇帝陛下生安敏吉新正富業欽若

皇穹丕承

祖武內霑外運暢垓圻乃修巡典奉

慈輦寅望秩祗豫養以祈年穀石慶讓以惠元元

惟茲禹貢揚州之域翹首望光萬姓早夜

飲食相告曰我

皇帝如我

聖祖小人依土以活夫冒輕入城郭其孰敢疆



幼扶老過都歷國以仰見

太平天子冀野天高夢寐雲日逾紀而三矣敬聞

謁

陵留都賦陳

王業之艱難矣視邊考牧至於多倫諾爾至於木

蘭蓋我

聖祖仁皇帝之所以綏柔蒙古四十九藩者也爰

謹北垣豈惟是教田獵習五戎哉導輿乎

恒代之區薦福乎清涼之山旣多受祉遂

柴岱宗祠孔林奠不侈封禪頒帑發粟至

於再至於三東人豐矣則樂之蓋所過田  
租歲常輒免比聆又將勒功中嶽矣豈吳  
越邇在江介而遺我且萬姓戴

皇帝德戴

皇太后德也恭際

慈壽六旬

光儀臨焉俾我民萬世壽昌我

天子躬秉儉約簡輿衛官不供億里無繁役而日  
者格苗蜀徼告功受賑協氣翔年穀遂政  
刑平庶事敘且我吳越耆老鞠子扶孫固



皆蒙賴

仁皇帝娛

慈顏澍甘澤仁以覆之者也則今其時哉今其時  
哉於是岳牧之章達民之虔

皇帝曰慎哉其下廷臣議於是王公卿寮僉爾以  
請

皇帝曰敬哉其以十有六年南巡春正月二日  
特詔蠲江南浙江正供三百萬

殊恩普被濃浹春露萬姓奔走歡告屆日恭奉

崇慶慈宣康惠敦和皇太后鑾輿條風和青駱驪

越邳宿徑淮海 龍舸乘

慈歡洽導洪澤之清流紹

仁皇之明德陟崑岡臨楊子詩金焦之孤嶼閱北  
府之雄兵茶山陽羨城郭蘭陵溯泰伯之  
廟覽長洲之苑濟夏書之震澤考魯史之  
檣李高挹武林之山清祓明聖之湖觀乎  
廣陵之濤乃至於會稽之鎮法

文謨乘載之頌瞻蘭里擘窠之珉浩浩乎煥哉  
仁皇帝復禹之迹

陛下復



祖之迹以復禹之迹

聖祖

聖孫攬手接武

臣

故曰自生民來德未有若斯之

隆者也是舉也相度河壩指示機宜廣學  
官博士弟子額凡厥縉紳通仕版乞身林  
下及誼誤放歸者咸復官予秩有差所過  
境內名山大川先賢名臣中能爲民禦災  
捍患風勵教化者各遣官致祭神人胥悅  
雖離和鸞回指金陵啼六代之何季式前  
明之攸興所至問民疾苦耕蠶畜牧家人

婦子慰勞焉喁喁于于然後吳越萬姓覩

帝德若

祖之仁江鱗鱮以進鮮竹萌鬪以嘗甘瑞萼萬妍

以霽矚珍禽千音以適聽供山川扶

輦接富庶娛愛日

周姜之徽

太姒嗣之然後吳越萬姓覩

光前之孝墨海之瀾醺列翠江山之秀喻豪素與

興爲媾札不暇副締構神明而籠古羣有

然後吳越萬姓再覩



天矩之文察二千石訪延三老水檝陸綏批章乙  
夜蓋雖細務必

親焉然後吳越萬姓再覩

勅幾之聖夫以德甚備以福甚至休哉是宜攄鴻  
篇播芳烈俾萬禩炳耀無極伏念

臣浙產

也往自弱冠列子衿隨父老瞻仰

聖祖法駕於嘉禾城北耳聳目嚮心祇神怡今

臣

犬馬齒六十有六矣實厠屬車親挹

龍光懽幸倍萬雖愚陋不足以文謹殫竭區區作

頌九章雍容至治

臣陳羣

拜手稽首曰

天錫

后明聰行天若龍以巡我邦叶以省我三農問俗

駿厖綏外又中泰山暨嵩

曰惟予一家叶九州其攸同是孰不荷於帡幪一章

十句

逖矣吳越民莫不曰歲哉豐穀叶巡哉簡役叶九

州寧謐金川歸德叶吾人寤寐叶願見

天子叶乃咨百職叶小大祗答叶曰其順民之欲

辛未正月叶辛亥吉日叶乃巡我南國叶章十四

句



鸞旂舒舒龍舟之渠青兗淮徐河伯兮安驅懿惟  
祖澤且江流濺濺淝河旣達金陵載屈叶政如春  
發惟

聖克仁惟仁我民丕丕哉是巡三章十  
二句

我民之饑時我我民之寒時我問南人之哿

天子是荷叶吏之循其察吏之耽其察南國之牽

天子攸劻惟泣惟臨以覃

皇心

皇心單矣歌有聲叶矣誕

天文叶矣于江之南叶矣四章十  
四句

惟昔帝禹儉勤承祜實至南土會稽嶧峨叶維我

仁皇惠此南邦叶陟彼海疆巍巍洋洋越四千祀

長惟

仁皇之功叶于帝禹有光五章十

維我

皇聖繩

祖之政以莫不敬

仁皇之南會稽化覃我

皇之南會稽德參以對我

祖心叶與帝禹而三禹後不又



仁皇後惟茂何越民之耆壽見

祖之仁見

祖之

聖孫

六章十  
四句

商賈耆仕來媚於

天子媚於

天子歌頌以紀之寵以文綺或授之几復爵以齒  
之進秩以等

叶

之譽髦者士廣學官弟子旣多受

祉曰

天子狩

叶  
十二章

詩集

卷八

八

福祿之茂

慈聖之壽鳳凰峨峨明聖綠波有梅柳桃有筍蓴  
茭有梁有舟叶有鼓有簫八琅者璫舞執其翾甲  
子初周叶樂是春韶我民有喜有豕有醴祝  
萬年樂只以暨我婦子八章十  
六句

福祿之茂

天子之壽德音南諧如江如淮東西朔垓琛賁旣  
來我禮我樂我文丕煜我蠶我穀我以民育鞠我  
民旣親四海旣均我

祖心旣寧

叶我千億子孫九章十  
四句



恭和

御製閱杭州旗兵元韻

山擁春江廣甸晴  
時巡閱武際休明  
濤聲向午  
殷鼉鼓陣勢盤雲  
壯虎兵

祖烈登壇昭步伐

神謨馭世握權衡  
只今邊徼耕桑樂  
七萃猶深舊  
將情

恭和

御製聞河南得雨志喜元韻

伊洛春流未較多  
喜傳好雨及時和  
可知梁土宜

栽植也似吳田長稻禾節應社公連日灑地廻淇  
澳昨年過青旂正是臨江國占課陰晴興若何

恭和

御製經嘉興問蠶事未興因而有作元韻

吳蠶數三郡厥利比農者多莫若吳興青桑遍墻  
下臨安界相似嘉禾臣里也清明過後忙不蠶蓋

已寡林鳥喚紫山

紫山看火吳中蠶時鳥聲

村神趣祭馬

馬頭孃蠶

神婦姑簡梳櫛曲箔弗手假茲辰省耕莅江鄉

纔作社未及頭眠時猗猗綠盈野長官清且閑租

帖戒糾惹

蠶月停徵



恭和

御製仿惠山聽松菴製竹爐成詩以詠之元韻  
竹爐留茅菴愛是僧所造 命工仿其製於以寄  
幽調擘筠織千絲紋理緻且妙從來藝事能設矩  
不難倣上園亦下方厥體曰惟肖  
聖心別有契近古則深好竹間自安白泉畔復置  
銚露寒納涼時須此供一笑

恭和

御製廻鑾至蘇州駐蹕元韻

風隨星罕轉舟自玉塘廻茂苑花逾盛青山雨乍

開極知春浩蕩更與月徘徊父老歡留輦茲情  
普洽哉

恭依

御製和沈

德潛

山居雜詠十首元韻

宸遊眷耆宿駐蹕問山居風雨靈巖曲松篁退隱  
廬斜川帶林薄遠景暖村墟十畝桑田近荒萊課  
剪鋤

吳下詩名大聲華

聖主聞銜恩歸故里閉戶闡微文每結漁樵侶  
閒隨湖海雲石公山畔路煙月欲平分



春水長新綠桃花香滿溪傍檐叻鹿卧選樹曉鶯  
啼委折山相向幽尋徑欲迷不妨隨老衲法喜自  
爲妻

往往看山出逍遙愜性真江湖豈忘國風月自  
成鄰囊有新頒俸家非舊食貧奇懷全未減杖  
履撰芳辰

白雲出巖谷舒卷本無心一謝承明直常耽梁  
父吟孤情真自得塵事漫相侵物外結遐想北牕  
鳴素琴

地僻衣冠懶人間物色宜檢書教穉子燒藥倩鄰

醫春雨滿塘後夕陽半鳴時長謠一曲好拍手笑  
吳兒

洞庭山在望泛泛太湖船野寺青楓雨山橋碧柳  
煙吳宮春草外遺跡至今傳應有躊躇意微吟落  
照前

娛老托耕傭忘機海上翁結茅分竹嶼放梵近花  
宮井里三春暮溝塍一水通憑高眺城郭煙雨曉  
濛濛

樵聲起遠谷流響入幽聽水石延真賞蟲魚注古  
經梧岡思鳳翽煙嶠任鴻冥十詠蕭疎意全分巘



壑靈

老惟增馬齒貧不累猪肝懶與道心會  
恩從禮法寬式間原敬老謝組豈懷安未要喬松客相遺  
大返丹

恭和

御製聞京師得雨志喜元韻

人言好雨在知時

皇心更酌雨多少江雲頃刻判陰晴  
嶽色綿亘割昏曉柔柔沃沃已如酥  
飛章來自長安道高甸方資二麥收  
低田已洩隔年潦喜聞好雨遍清畿  
輦

下歡聲達江表情知父老望  
回鑾餅餌香風吹  
處早同是知時春澤多北地知時雨更好

恭和

御製江寧駐蹕恭依

皇祖詩韻

金陵遺俗動

皇輿虎踞江山恰豫遊六代人文繩武振百年民  
瘼憲天求萬花都入春原覽七校還因夏諺留

大孝承

歡南雅在江沱親見被懷柔



恭和

御製謁明太祖陵元韻

考卜當年宅此方江城士女獻壺漿山川鬱鬱蟠  
龍地劍璽悠悠勝國王八誥未遑營陝洛五宗終  
遣判殷商椒馨屈義思前鑒乾惕應深未雨防

奉

命祭卞忠貞公祠祀畢步至墓下觀顏平原所書  
碑恭紀

典午崇清談流禍及家國忠貞豎論閎朝野爲動  
色辭職讓蔡謨付議廢王式元規倉卒謀無乃太

迫逼於邑示溫生情致何懇惻內外旣戒嚴大桁  
督軍實良馬豈所須西陵危頃刻忠孝全一門哀  
此百夫特我

皇肅巡典祀事亦孔飭扈從來秣陵道指冶城北  
瞻拜秉笏人凜凜餘正直從祀有二子緩容侍親  
側遠裔三五輩導我臨兆域峨峨樹顏碑片石垂  
楷則精魄自相感此理如羽翼世傳兩公屍拳手  
不蝕逸事未暇論我茲好懿德

恭和

御製報恩寺六韻元韻



歷歷南朝寺長千古梵鐘堦光連聚寶旛影護蟠  
龍池月窺禪靜空花落彩濃鑾輿隨喜始祝嘏  
勝因重頓識人天合欣瞻小大從嘉名增孝思承  
茂頌如松

恭和

御製登報恩塔作歌元韻

浮圖壯東南大江經其下鷺峰鹿苑鎮崢嶸虎氣  
龍精就休暇龍從修架顏報恩承平祝國象教  
真火珠蕉葉隨凡果舍利光度三生人憑欄凝目  
送春流江雲漠漠江風颺一覽九點煙中州顧笑

而語贊與休空門法界政如此剗削萬古英雄愁

恭和

御製靈谷寺六韻元韻

覽古循鍾阜青鴛落照中嘉名靈谷舊往事大江  
東結構非初地蕭條向晚風千花餘寶塢累劫自  
珠宮佛見毫光白雲開日彩紅

皇心叅妙諦萬象證虛空

恭和

御製題太平箭元韻

龍驤上將渡江時江國孤城力不支試向白門看



鐵箭何如青海壯雄師  
歌聲花陌喧村鼓風影春  
流颺酒旗舊跡摩挲詢  
故老英光長附

聖謨垂

恭和

御製閱兵元韻

翠輦逶迤江上春  
霓旌駛駮六師陳  
不忘櫛沐

三朝德未識鉦鞞百歲民  
士馬騰拏軍令肅風雲  
合變陣圖新時清無事驅  
除力莫遣懷安畏苦辛

恭和

御製登雞鳴山卽事元韻

天雞一聲落層厓散入風雲聞啾啾下窺元武波  
滄池靈境可寄高人懷我

皇登躋受多福山靈瀆鬼懷柔皆名跡春深忝扈  
從躡足一上丹梯階

恭和

御製寶華山慧居寺元韻

鬱鬱梅檀氣童童華蓋雲羣峰蟠寶界一壚現龍  
文別院不愚靜空山梵唄聞雨花飛古樹風籜解  
清負名理通禪悅真詮釋糾紛  
宸遊觀象外生物共懷欣



恭和

製長江夕照歌元韻

大江沉沉凝晚碧浮玉峰高倒影入

天子來遊夕照開九馬迴旋峰頂立長流掀天天  
欲風烏尾射江魚尾紅浮光瀲灩波文細汀煙島  
樹紛難窮江心雷動何爲者神鼇抃舞金山下陰  
陽恍惚秘端倪蜃市須臾幻真假沙浦招招唱舟  
子餘霞若綺潛江底虞淵暘谷浴曦輪浩浩乾坤  
無終始

三月廿九夜陪高東軒相公汪謹堂少師執

金山寺時

上駐蹕金山遂止宿東軒直廬用東坡自金山放

船至焦山韻

天家網羅目眈眈來賓江北兼江南

莊滋圃雙有亭兩學使以

諸生所呈覽

進冊子遴選上召而試之

程才同上金山寺所希拔十

得二三是時浴種好天氣

親標題目賦春蠶

蠶月條桑是日賦題也

兩公位望重大匠

我無玉尺中獨慚惟將肝膽照江水要以清白盟  
深潭公餘飲我衡州酒新詩索讀倚半酣檻外衛  
士連趾卧燈前詩人接膝談中冷井華夜深吸呼



童溫火烹雲龕復出行膳供寒具珍果盡屬天  
厨甘扶輿清淑秘不與卽此一憇寧非貪東坡至  
今八百載欲繼幽致誰可堪蜀僧已去菴尚在願  
以此詩留此菴

恭和

御製洪澤湖元韻

翠華渡揚子迢遞臨鉢池

山名

遙瞻洪澤湖彌漫粘

天維黃淮有交匯賴此節宣之是時當首夏蒲稈  
含煙絲微颺起東南鼓盪波濤馳須臾風水靜山  
影搖嶮嵯鳬鷺羣迴翔散入琉璃堆金隄有

睿略澤國關安危綢繆防未雨臨流發深思

恭和

御製觀打魚元韻

洪澤巨浸連濰川春流活活隨鰣鱸漁人倚棹笑  
且語綠楊渚泊鴨頭船船動榔鳴網罟集溯流橫  
截衝波急銀鱗赤尾半泥沙風雨黿鼉窟宅失鄉  
俗江南稻蟹早艱食還資鮮食好

聖人造物者爲心咨爾鮫師取寧少嘉魚之詠臣  
矢之爲憶賞花垂釣時

恭和



御製閱丘班集堤工元韻

我

皇大智神禹齊底定考績勞嘉師  
翠華不惜歷沮洳臨流咨度籌機宜  
去年狂瀾驟噬嚙屬薪負土靡稽遲  
沙痕浪跡指新築柳條漠漠籠煙堤  
揚徐之交苦汗下厥田大抵皆塗泥  
况乃經時罹水患里左豈免憂羸饑

皇恩如春澤普被蠲輸百萬賑貸之中澤鴻雁肅羽集雖遭蕩析猶蕃滋祇今登場小麥熟轉眼卽及秋成時吾農樂矣無嗟嘻

恭和

御製過宿遷元韻

帝來省元元大吏承風旨衽席隨所登溝壑掖之  
起瞻彼宿遷城國故鍾吾子瘠土民生艱辛苦難  
覩縷叶昨歲遭橫流凋傷遂若此吁嗟命重申  
牧伯爲經理物土使可懷無令滋他徙賑貸牽常  
期知恤胡爲爾

親降撫字仁寧煩冠蓋使槁植沃天膏灑然其甦  
矣四月翠華廻麥秀延遠邇鷺鷥鵠雉鳴猗猗  
女桑美夾道聞歡呼童叟顏色喜



帝顧左右曰民情乃若是救荒無奇策所貴盡心耳牧伯嗟來前趨走並長跼痼瘵在予抱勉矣謀幹止

恭和

御製登陸元韻

重登沙岨繞堤行芳草遙迎輦路晴泰岱雲峯高入望淮陽煙水遠含情樵聲斷續微風動村舍參差落照明

聖主流觀時攬轡大田新雨問農耕

恭和

香林齋言集 卷一  
御製桃源耕者元韻

五日一雨十日風  
旻旻良耜新就攻  
土膏含渥煙融融  
縱金大合山澤農

天子來觀小大從  
霓旌搖蕩風光濃  
一水迴折梁舟通  
扶杖時與龐眉逢  
仙源依稀武陵中  
桃花已落山花紅  
晴雲掩映峯巒重  
躊躇四顧欣

皇衷力田孝弟古  
所崇興事任力咨  
司空野人于野瞻

天公後先羅拜拳  
足恭吾皇萬壽歡  
呼同小人未識治  
化隆但願歲歲田  
穀



豐

恭和

御製入山東境元韻

旋蹕臨東郡平疇綠欲齊風淳無佩犢雨足見扶  
犁再歷封山境欣看宅土黎海蒸平野潤天幕大  
荒低瑞靄連喬木祥飈被隰萑迎鑾來白叟藜  
杖幾人攜

恭和

御製渡沂水元韻

水漲沙痕失洲晴露氣微臥波虹宛宛清蹕駕

駢駢首夏青疇合餘春白芷菲昔賢曾浴德

宸翰記旋歸

恭和

御製賦得麥浪元韻

芳草如煙煙不如汶陽晴浪麥光舒忽驚暎水偏  
飛雉失喜臨洲誤羨魚幾縷絲飄輕燕外廿畝風  
度落花餘青疇不斷明湖色試聽田歌答老漁

恭和

御製過泰山作歌元韻

天孫宅東秉皇根時巡往復典禮存風回長養



帝出震望尊雄峻鼇負坤按圖尋脉托始自長白  
亦如黃河來自天上源發於崑崙紆廻地軸走海  
底蒼龍綿亘碧色浮晴旻名山有八中國得其五  
獨冠太華太室首山之萊尊中原古稱封禪七十  
二吾

皇攬古一遙跂曰維天眷予百神主予維奉若天  
道懼德有未逮何用祝史刑牲投璧妄相廁方今  
華夷統壹王會同文字絕域可遣一吏置吁嘻堯  
湯咨傲胡不然云云亭亭之說真虛傳

恭和

御製謁岱廟元韻

時巡八表頌咸登岱廟重瞻告允升九獻尊彝  
天子拜半旗風雨土神憑殿標鐵鳳雲霞古樹老  
霜鱗歲月增曾是金泥封禪地三年宵旰思難勝

恭和

御製渡運河卽事元韻

虹橋遙接九重天渡口還鳴七寶鞭輸挽總通江  
表賦河渠應冠濟南泉清流影入垂雲蓋叠浪聲  
喧放溜船北上風帆千里近津門直與潞河連

恭和



御製廻鑾趙北口駐蹕元韻

長堤錦帶修別苑駐龍旂柳蔭濃如滴溪平澹

不流烟雲新令節天水縱遐眸

聖駕緣時對名區每暫留豫遊光禹甸風物滿

皇州彷彿江城景沙灘泊釣舟

恭和

御製恭奉

皇太后南巡廻鑾之作元韻

華蓋雲容承

九五蓬萊鶴算報三千蘭陔錫類嘉祥備芑水貽

謀愷樂宣魚藻卽今歌鎬飲鳳簫從古韻虞絃葵  
心爭敢媿臯益贊贊微誠尚勉旃

恭和

御製午日奉

皇太后圓明園觀競渡元韻

鑾輅廻當夏午時縷成長命奉

徽慈卽今上苑天中賞憶昨西湖修稷嬉簫鼓  
流聲移節物魚龍飛影駐和義太平風景家家是  
艾葉叢邊躡柳眉

恭和



御製靈巘積翠元韻

扈從靈巘好風日歸來記十不得一但記  
宸遊紫羅深百千螺髻隨波出銀牀素綆在何處  
縹緲雲煙遮屹嶺留此湖山面目真肯教絕景輕  
遺失

次黃崑圃先生庚午十月六日集新孝廉舉  
同年會用王文恭癸卯公宴詩韻

乞憲行開八秩筵迴看甲子說同年武夷君在山  
頭坐笑指花前幾輩仙

五雲曙色叫歸昌

聖節欣傳驚嶺香

是年八月十三日恭遇皇上四十萬壽

天上星辰

歌復旦人間科第紀重光

同榜定知稀舊侶後塵恰喜覓芳儔晚香亭外笙歌沸幾簇銀袍下紫騮

往事低回到酒邊紅袞爭看是明年莫嫌絲髻蕭騷甚更與諸君結勝緣

家依尺五城南近客到耆英會上新京兆名流須認取香山居士太平人

秋日病起李廉衣編修戈芥舟庶常汪康古

孝廉家坤一鴻博集香樹齋小飲

汝誠汝恭



侍坐分韻得啗字

初涼忽病瘧歐泄何汎濫旬日始遣去休沐假許  
暫稍親卷軸紛仍雜官文勘早晴風日佳露裛秋  
花擔華滋自敷榮英氣猶內斂於此豁雙眸愜慮  
信云澹諸子先後至才術各清瞻考莠窮源流獻  
規尚鍼砭荒廚出時蔬鄉酒味何醞紫螯吾所嗜  
持一又思兼二子作而請曰未可深啖小會非賓  
筵義亦取史監繫余垂耳順十載秋官忝直道奉  
明主不黜何由三執德苟非貞養生終抱憾努力  
守斯致母廢心版鑿

附  
和詩

汪由敦

七月下旬

恩賜鮮鹿肉至自

行在香港

樹司寇前輩適示食鱉陷字韻詩卽用元

韻紀 恩兼呈司寇

常年扈

清蹕豹尾筭容濫今秋行大獮輟直

留臺蹙侵晨急遞馳經昔郵符勘

頒鮮自尚

方胥徒勞負擔

翠華臨並塞所過愿豐歛呼

圍風颯颯振旆雲澹澹旌門晚數獲佗藉舉充

贍壯夫爭賈勇情怯藉攻砭割來箭血殷包炙

薌味齏安居得沾飫坐幸熊魚兼珍重熟薦餘



舉家快分陷何來意外喜妙語傳謝監君方戒  
老饕走益惡踰忝食時觀以五遇寵思當三敢  
恣朵頤樂或抱噬腊憾 慈惠與良規一一矢  
銘鑿

秋杪偶遊萬柳堂感舊

不踏城東路而今三十秋同遊詞客盡小立片雲  
留衰柳猶青眼寒蘆感白頭由來豪飲地卽此已  
榛邱

秋村晚眺

田家秋老趁謀生耒落春餘愜晚晴翠襲清裾分

嶺秀沙明古渡送溪聲近畦疎蔓猶依架壓圃荒  
蔬不記名大獮歸來傳七萃新翻鼓吹譜華平

味經少司寇屬題碧山吟社圖

圖爲沈石田作

十人同結耆英會六百八十又三年得壽有方非  
大藥酌泉無事是真仙人當修竹蒼松外興寄梁  
谿惠麓邊許借碧山容我老何須陽羨更求田



後序

少司寇香樹先生彙辛未以前所作詩屬門人

朱

弼排纂而授之梓凡千五百首有奇爲卷十八工

旣竣命序於後

弼

逡巡而未敢爲也念弱冠學爲

詩足不出里閭見不過方隅譬之於水如沼沚然  
咫尺之觀耳先生家世稱詩武肅文穆忠懿之裔  
文采風流照映宋代爰及明臨江太守有東畬集  
太常海石公以直諫顯嘉靖間有承啟堂稿 國  
初先生大父鶴菴公世父半完居士皆以詩紹家  
學先生承厥緒而擴之早歲遊京師與一時老蒼

輩頽頽下上洎登館閣直 內廷受

兩朝知遇賡揚 明盛數蒙賞激同朝鉅公海內  
名彥識與不識讀先生詩者翕然推重焉竊嘗論  
有風雅來復古謂復不滯謂變二者相乘而變恒  
多於復者詣極於微不必循轍以趨而自合也先  
生之詩妙於體勢故氣象宏遠深於作用故意致  
瓌奇以凡聲對義類旁通曲暢無所窒礙要其立  
言每有裨益不爲徒作蓋神明於漢魏唐宋沿波  
討源深入闡奧復古而不滯於古之迹者歟蒙莊  
有言秋水時至百川灌河河伯乘流而至於海望



洋向若而後知海之大與水之難窮先生嘗語  
弼學者必博涉廣覽盡得古作者之意而後可以爲  
詩可以論詩顧閱歷數十年而迄未有以自信也  
然則以弼之眇聞淺見讀先生詩浩渺莫測津涯  
不亦宜哉百年以來作者衆矣以弼所覩近刻吳  
天章蓮洋集及青州趙秋谷其詩卷亦始萌芽欲  
出然秋谷一蹶不振天章窮於所遇遺編零落厯  
而後見而先生遭際 昌時明堂清廟之音蔚爲  
巨觀雕集一出使當代稱詩者先覩之爲快視吳  
趙所得爲何如也旣以復於先生退而書之乾隆



十六年九月望日門人宋弼







